

## ԼՈՐՈՒՏԻ ԲՐՈՆՁԻ ԳՈՏՈՒ ՆԱԽՇԱՋԱՐԴԵՐԸ

ՎԱՐՇԱՄ ԱՎԵՏՅԱԼ

1979 թ. սեպտեմբերին Թումանյանի շրջանի Լորուտ գյուղի Վերին թաղ կոչվող ուշ բրոնզեդարյան գերեզմանոցի մի սալարկղյա դամբարանից գտնվեցին հետաքրքիր նյութեր<sup>1</sup>, որոնց մեջ շափազանց ուշագրավ էր բրոնզե գոտին<sup>2</sup> (նկ. 1. երկարությունը 93 սմ, լայնությունը՝ 14 սմ)։ Գոտու երիզները հրկայնակի պատված են եռափաթեթ, անվերջանալի պարույրներով, որոնց միջև, գոտու ամբողջ մակերեսով, տարածված է մի ինքնատիպ տեսարան՝ ձիերի, գիշատիչ կենդանիների, ձկների և թռչունների դիմաձևի պատկերներով։ Ինչպես նախազարդերը, այնպես էլ բոլոր պատկերները արված են սուր, բարակ փորագրիչի օգնությամբ՝ շափազանց նրբորեն ու վարպետությամբ։ Զարմանք են պատճառում փորագրող վարպետի հմտությունը, պատկերների ռեալիստական ընկալումը, շափի զգացումը, անատոմիական գիտելիքները, և ամենից կարևորը՝ կոմպոզիցիայի ստեղծման բացառիկ մեծ կարողությունը։


Կոմպոզիցիայում բարության հզոր ուժերին հակադրվում են շարություն և խավար ներկայացնող կենդանիները, երկրային շար ուժերը տրված են վազրակերպ կենդանու պատկերով, երկնայինը՝ գիշատիչ թռչունների, իսկ ջրայինը՝ ձկների։ Երկրային շար ուժերի խորհրդանիշ գիշատիչ կենդանին՝ վագրը, որը գլխին ունի եղջյուրավոր դիմակ, խանգարում է մարդկանց լույս ու արև պարզեղ թարերարին, ամենակարող կենդանուն՝ հրեղեն ձիուն, որը պայթարի վերջնագծում հաղթում է խավարին, ինչպես հեթիաթներում։ Պայթարի տեսաթանը կոմպոզիցիոն առումով կազմված է մեկը մյուսին հաջորդող շորս փուլերից։ Առաջին փուլում, ձախից, մթի ու խավարի խորհրդանիշ մահիկին՝ գիշերվա տիրակալին, հրում է հրեղեն ձին։ Երկրորդ պատկերում նույն ձիու զրահադիմակի եղջյուրները մխրձվել են մահիկի մեջ։ Երրորդում՝ հուժկու հարվածի հետևանքով ամբողջ զրահադիմակն է մխրձվել մահիկի մեջ, իսկ շորրորդում հարվածն այնքան ուժեղ է, որ ձիու գլուխը կարծես ձուլվել է մահիկին և այն հասցրել խավարը պատնեշող սարերի եզրին։ Բարերար ձիու զեմհանդիման կովի բուլիլու են լողում ջրային խավարի խորհրդանիշ ձկները, իսկ երկնային շար ուժերի խորհրդանիշը՝ երկարակույց թռչունները, կտցահարելով մահիկի ղեմ պայթարի մեջ մտած ձիու ետևի ոտքերը և նրան օգնություն հասնող մյուս ձիու մեջքը, դարձյալ ձգտում են դրանց խանգարել, ետ պահել պայթարից։ Ձիերի հուժկու հարվածներից երկնային խավարի ու շարության պահպան թռչունները վերջնագծում պատկերված են ձիերի ոտքերի աակ՝ կտուցներով մխրձված գետնի մեջ ու պարտված։

Բարերար ձիերը իրենց մեջքին կրում են ամբողջ մարմինը ծածկող, շորս զարդարուն ամրակապիչներով ծածկոց-թամբեր, որպիսիք մենք հանդիպում ենք հայկական հերոսավեպի Փռուկիկ-Ջալալիի վրա, ուստի սխալված չենք լինի, եթե ասենք, որ այս պատկերը կարող է հիմք հանդիսանալ հայկական հեթիաթների ու հերոսավեպի ակունքների համար։

1 Վ. Վ. Ավետյան, Հին հուշարձաններ Լորուտի տարածքում (ՀՍՍՀ ԳԱ ժլրագր հասարակական գիտություններ), Երևան, 1981, № 8, էջ 113—115)։

2 Ս. Ե. Ե. Ավետյան, Վ. Ավետյան, Լորուտ հայտնաբերված բրոնզե գոտիներ («Պատմության-բանասիրական հանդես», 1981, № 4, էջ 314—317)։


Վարպետը չափազանց նուրբ ու ռեալիստորեն է քանդակել այս դիցարանական անկրկնելի սյուժեն: Այստեղ յուրաքանչյուր բաղադրամաս ու դրվագ անթերի է իր դինամիկ շարժման մեջ: Հզոր կամքի և ուժի դրսևորումը, շար ուժերի պարտուժյունը ամբողջ կոմպոզիցիայի բովանդակությունն են կազմում:



Նկ. 1. Լորուտի գոտի:

Գոտու եզրազարդերը նույնպես իմաստազուրկ չեն. գուցե եռահյուս պարույրները տիեզերքի անհատնում տարածության մեջ երեք շար ուժերի՝ երկրային, երկնային և ջրային, միատեղ, միասին հանդես գալու, լույսը պատենշելու միտք են պարունակում:



Վրաստանի, Ադրբեջանի, Հյուսիսային Կովկասի և այլ հնավայրերից բազմաթիվ գոտիներ են հայտնի, սակայն Լորուտի գոտին չի կրկնում դրանցից և ոչ մեկին: Տարբեր են ոչ միայն դրանց պատկերներն ու սյուժեները, այլև պատկերների շարժման դինամիկան, շարժման հուժկու թափը, անզիջում ու հաղթական պայքարի ռեալիստական նկարագրությունը: Մինչդեռ այն նըմանութուն ունի Հայաստանի տարածքից գտնված մի քանի գոտիների նախ-



Նկ. 2. Բշնի, XIII դ. խաչքար:

շազարդերի հետ: Այսպես. Ախթալայի, Սանահինի, Հաղպատի, Ստեփանավանի, Սևանի, Աստղաձորի վաղուց հայտնի բրոնզե գոտիների պատկերները նման են Լորուտի գոտու պատկերներին, այն տարբերությամբ, որ դրանց վերայի կենդանակերպ պատկերները ֆանտաստիկ են, ոճավորված, իսկ կենդանական ու բուսական աշխարհի երեք հզոր տարրերը՝ երկրային, երկնային ու ջրային, սիմվոլիկ խորհրդանշաններով են պատկերված: Լորուտի գոտին իր ռեալիստական կուռ կոմպոզիցիայով ու պատկերներով մի եզակի նմուշ է:

Լորուտի գոտին, անշուշտ, ունեցել է պաշտամունքային՝ մոգիկ, կրոնական նշանակություն, որի կրողը զինված ու զարդարված է եղել անհրաժեշտ պարագաներով ու միջոցներով և պատրաստ՝ շար ուժերի ու շար ուժերի դեմ պայքարելու: Այդ են վկայում ննջեցյալի ձեռքում խոցելու պատրաստ վիճակում գտնված երկաթե սուրբ, ոտքերի վրայի զարդակախիկները, պարանոցի գուլջգուլյն ուլունքները, որոնք հմայլիլի նշանակությունն են ունեցել, և ձեռքերի ապարանջանները:



2



3

Աղյուսակ 1

Ինչպես երևում է իրեղեն գտածոներից, գոսիին կաշվե ժապավեններով է կապվել մեջքին, իսկ ժապավենները գոտուն ամրացվել են կաղապարման եղանակով պատրաստված կլոր, ուռուցիկ, բրոնզե կոճականման բեռներով: Գոտու երկու ծայրերին եղած երեք կլոր անցքերի մեջ ժապավենի վրա ամրացված վիճակում գտնվել են շորս բեռ կոճակներ, որոնք կատարել են ճարմանդի դեր:

Լորուտի գոտուն կոմպոզիցիայի առանձին դրվագներով նման է Սանահինի գոտին<sup>3</sup>, որի վրա երկշարք զույգ ձիեր են գոտեմարտում լուսնի մահիկի դեմ, հավանաբար մուժն ու խավարը պահող սարբերից այն կողմ նետելու ձգտումով: Այդ նույն պատկերը կա Լորուտի գոտու վրա, այն տարբերությամբ, սակայն, որ այստեղ մահիկին հրում է մեկ ձի:

Սանահինի և Լորուտի գոտիների կենդանական պատկերներում միանգամայն նման ոճի են թուշուները և ձիերը: Սանահինի գոտու վրայի առջևի ձիերը պարանոցից մինչև գավաղը ունեն մարմնապաշտպան ծածկոցներ, որոնք պարացված են շրտ զարդարուն ամրակապիչներով, իսկ ձիերի մարմնի բաց մասերը ծածկված են մանր շտրիխներով: Տարբերությունը թերևս այն է, որ Լորուտի գոտու ձիերի մարմնի բաց մասերի շտրիխները վերից վար են, իսկ Սանահինինը՝ լայնակի: Երկու գոտիների ձիերն էլ կրում են զրահադիմակներ:

Լորուտի գոտու եզրագծերի բարդ ոլորահյուս զարդին միանգամայն նրման են խոջալիից գտնված ուշ բրոնզեդարյան գոտու եզրազարդերը<sup>4</sup>, այն տարբերությամբ միայն, որ խոջալիի գոտու ոլորահյուս, անվերջանալի զարդը երկձյուղ է, իսկ Լորուտինը՝ եռաձյուղ: Խոջալիի գոտու ձիերը նույնպես պաշքարի մեջ են մահիկի դեմ, սակայն սրանք նույն կենդանիների ոճավորված, ֆանտաստիկ պատկերներով են հանդես գալիս: Գոտին նմանություն ունի նաև Հաղպատի բրոնզե գոտու վրայի ոլորահյուս, անվերջանալի զարդերի հետ<sup>5</sup>:

Լորուտի գոտու զարդերից ամենաուշագրավը գոտու դաշտի եզրամասերի պարանահյուս, եռաձյուղ, անվերջանալի զարդն է՝ երեք հզոր տարրերի՝ երկրային, երկնային և ջրային ուժերի հավիտենականության խորհրդանշելը, որն իր խոր արտահայտությունն է գտել Հայկական լեռնաշխարհի տարբեր ժամանակների հուշարձանների զարդամոտիվներում: Լորուտի գոտու տեղական արտադրանք լինելու փաստի մատին չերկրայելով հանդերձ, մի քանի զուգահեռներով ցույց տանք Հայաստանում հայ վարպետների կողմից նման զարդանախշերի կիրառման անընդմիջությունը: Այսպես, Լորուտի գոտու եզրերի նախազարդերին նման են Քյոպ-Քեփեի պեղումներից հայտնաբերված կրեքարոշմաների երկհյուս, երկձյուղ նախազարդերը<sup>6</sup> (աղ. I, 1): նման մեկ այլ հյուսազարդի դրոշմվածք է պահվում Հայաստանի պատմության պետական թանկարանում<sup>7</sup> (աղ. I, 2): Հիանալի օրինակ են Գառնիի հեթանոսական տաճարի բակի՝ առաջին դարում կառուցված բաղնիքի խճանկարի հատակի եզրագծերի եռագույն, եռաձյուղ հյուսվածքը<sup>8</sup> (աղ. I, 3), Դվին քաղաքի պեղումների ժամանակ հայտնաբերված եռաձյուղ, եռահյուս նախազարդերը Կաթողիկե եկեղեցու (V դ.) մնացորդների քիվերի վրա<sup>9</sup>, էջմիածնի Մայր տաճարի զանգակատան մի բաղադրամասի վրա քանդակազարդված երկձյուղ, երկհյուս նախշը, որը հավանաբար VII դարի գործ է<sup>10</sup>, Տաթևի վանքի ճոճվող սյան (կառուցված 895 թվականին) արևի ժամացույցի հիմքի գոտեպատ նախշը, վահանապանքի մեծ տաճարի (X դ.) արևմտյան գավթի քիվերի նախազարդը<sup>11</sup>: Բացարձիկ նմանություն կա Բջնիի 1031 թ. կառուցված աստվածածին եկեղեցու որմնամուկների նախազարդերի հետ<sup>12</sup>:

<sup>3</sup> А. А. Мартиросян, Армения в эпоху бронзы и раннего железа, Ереван, 1964, с. 140, рис. 58.

<sup>4</sup> Է. Ա. Մարտիրոսյան, Ուշ բրոնզեդարյան ընկավայրերը և դամբարանազարդերը, Երևան, 1969, աղ. 40, 41:

<sup>5</sup> А. А. Мартиросян, Армения в эпоху..., с. 137, рис. 57.

<sup>6</sup> Ա. Խաչատրյան, Հայաստանի սեզագրական շրջանի պատմություն, Երևան, 1933, էջ 251, նկ. 45:

<sup>7</sup> Նույն տեղում, նկ. 46:


<sup>8</sup> А. Сагнян, Гарни, Гегард, М., 1958.

<sup>9</sup> Գ. Ղաֆադարյան, Դվին քաղաքը և նրա պեղումները, Երևան, 1952, էջ 99, նկ. 70:

<sup>10</sup> В. Арутюнян, Эчмиадзин, М., 1957 (տե՛ս զանգակատուն նկարի դետալը):

<sup>11</sup> Գ. Գրիգորյանի անտիպ նյութերից:

<sup>12</sup> «Հայկական արվեստ», առաջին հատոր, հին և միջին դարեր, Երևան, 1974, նկ. 12:



Աղյուսակ II

Նույն զարդամոտիվը դարեր շարունակ մեծ կիրառություն է գտել խաչքարերի արվեստում: Այսպես, նման են Գոշավանքի գավիթի խաչքարի շրջանակի երիզանախշի մի խաչի վերին եզրի հյուսվածքազարդը<sup>13</sup>, Գեղարդավանքի XIII դ. մի խաչքարի վերին եզրի հյուսվածքազարդը<sup>14</sup>, Բջնիի խաչքարերից մե-

<sup>13</sup> Տե՛ս՝ «Հայկական խաչքարեր», էջմիածին, 1973, նկ. 106:

<sup>14</sup> Նույն տեղում, նկ. 121:

կի (XIII դ.) եզրագարդը<sup>15</sup> (նկ. 2), Հոռոմոսի եկեղեցու քանդակազարդ առաստաղը<sup>16</sup> (աղ. II, 1), Մրենիի XIII—XIV դդ. խաչքարերի խմբի վերին ճախակողմյան խաչքարի եզրագարդի երկհյուս նախշը<sup>17</sup> (աղ. II, 2), Սղեզնաձորի շրջանի Ազավնաձոր գյուղի XIII—XIV դդ. խաչքարի վերին եզրահյուսվածքագարդը<sup>18</sup> (աղ. II, 3), Երևանի Կաթողիկե եկեղեցու (1695 թ. կառուցված) դահլիճի արևմտյան պատին հազցրած խաչքարի եռաճյուղ, կրկնահյուս զարդամոտիվը<sup>19</sup>, Երևանի Պողոս-Պետրոս եկեղեցու (1693 թ. կառուցված) հարավային պատի խաչքարի երկճյուղ, երկհյուս զարդը<sup>20</sup>, նույն եկեղեցու արևմտյան պատին մարմարե խաչքարի բեկորի երկճյուղ, երկհյուս զարդը<sup>21</sup> (1693 թ.), Քորայրի վանքից ոչ հեռու Կույսթ ամրոց-դիտակետի տարածքից հայտնաբերած խաչքարի վրայի զարդը<sup>22</sup> և այլն: Օրինակները կարելի է շարունակել, սակայն այսքանն էլ բավական է մեր միտքը հաստատելու համար: Այս բոլորին ավելացնենք նաև, որ դոտու հետ հայտնաբերված կիսասֆերիկ զբլիխկներով կախազարդերը միանգամայն նման են միջնադարյան և ավելի ուշ ժամանակների զավաղանների զարդազլխկներին, որոնցից բազմաթիվ օրինակներ կարելի է տեսնել էջմիածնի Մալր տաճարի թանազարանում և այլուր:

Ինչ խոսք, սրանք պատահական նմանություն չեն: Վերը նշված օրինակները հաստատում են, որ քննված զարդամոտիվները ունեն տեղական ծագում և սերնդե-սերունդ ավանդաբար փոխանցվել են ու կիրառվել մինչև մեր օրերը: Հեռևաբար, Լորուտից հայտնաբերված դոտին կարող է նոր լույս ափոել տեղական մշակույթի ծագման և այդ մշակույթը կերտող ժողովրդի՝ հայ ժողովրդի, բնօրրանը որոշելու հարցերի վրա:

## ОРНАМЕНТЫ БРОНЗОВОГО ПОЯСА ИЗ ЛОРУТА

ВАРШАМ АВЕТЯН

### Резюме

В 1979 г. при раскопках могильника эпохи поздней бронзы (с. Лорут Тумаянского района) был обнаружен бронзовый пояс, на котором изображены фигуры лошадей, хищных зверей, рыб и птиц, символизирующих, по всей видимости, борьбу животного и растительного мира против сил мрака. Любопытна семантика триадных спиралей, обрамляющих пояс. Вероятно, они представляют идею единства злых сил—небесных, земных и водных в их борьбе против света во Вселенной. На протяжении тысячелетий этот мотив использовался в армянском искусстве, в частности, в искусстве хачкаров. Этот факт не случаен и свидетельствует о том, что народ, создавший эту культуру, автотонен.

15 Նույն տեղում, էջ 136:

16 Թ. Բ ո Ր ո մ ա ն յ ա ն, Նյութեր հայկական ճարտարապետության, Երևան, 1942, էջ 177, նկ. 105:

17 «Հայկական խաչքարեր», էջ 175:

18 Նույն տեղում, նկ. 123:

19 Կ. Ղ ա Ֆ ա դ ա Ր յ ա ն, Երևանի միջնադարյան հուշարձաններ, Երևան, 1975, էջ 146, նկ. 93:

20 Նույն տեղում, էջ 162, նկ. 72:

21 Նույն տեղում, նկ. 118:

22 ԱՆՐ անտիպ նյութերից: